



---

Broj: 05/7-50-13-102-15/15

Sarajevo, 4.11.2015.

## Z A P I S N I K

### 15. sjednice Vijeća nacionalnih manjina BiH, održane 4.11.2015.

Sjednica je počela u 10,00 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Andrija Svatok, Jakob Finci, Jovanka Manzalović-Šalaka, Tijana Vučurević, Dragan Marković, Hakan Varan, Marija Grbić, Velibor Kuvač, Halil Bica, Eva Pašić-Juhas, Mladen Radmilović, Todorka Jovanović i Dejan Piotrovski.

Sjednici, iz opravdanih razloga, nije prisustvovao Nedžad Jusić,

Svoje odustvo nisu opravdali: Halil Bicaj i Vjeročka Gajić.

Sjednici su, također, prisustvovali: Želimir Lalić, predstavnik Ministarstva za ljudska prava i izbjeglice Bosne i Hercegovine, Zoran Brkić, Sektor za odnose s javnošću Sekretarijata PSBiH, Branislava Vignjević, stručna savjetnica i Anđelka Dobrilović-Rajak, stručna saradnica u Zajedničkoj komisiji za ljudska prava.

Članovi Vijeća nacionalnih manjina BiH **jednoglasno su** usvojili sljedeći

## D N E V N I R E D

1. Usvajanje zapisnika sa 14. sjednice Vijeća nacionalnih manjina BiH;
2. Informacije vezane za definiranja kriterija za izbor članova Vijeća nacionalnih manjina BiH;

3. Aktivnosti vezane za prezentaciju Izvještaja o ocjeni položaja nacionalnih manjina u BiH;
4. Razno:
  - aktivnosti vezane za pripremu konferencije o nacionalnim manjinama
  - informacija o zahtjevu Vijeća nacionalnih manjina BiH za uvrštavanje tačke na dnevni red oba doma Parlamentarne skupštine BiH, koja bi glasila: „Provođenje presude Evropskog suda za ljudska prava u Strazburu u predmetu Sejdić i Finci protiv BiH.

#### **Ad.1. Usvajanje Zapisnika 14. sjednice Vijeća nacionalnih manjina BiH**

Vijeće nacionalnih manjina BiH **jednoglasno** je usvojilo Zapisnik 14. sjednice.

#### **Ad.2. Informacije vezane za definiranja kriterija za izbor članova Vijeća nacionalnih manjina BiH**

Predsjedavajući Vijeća nacionalnih manjina BiH, Tihomir Knežiček prisutne je izvjestio da su svoje prijedloge dostavili sljedeći predstavnici nacionalnih manjina: Turska, Italijanska, Njemačka, Slovenci i Ukrajinci kao jedan prijedlog, Romi i Makedonci.

Predsjedavajući Vijeća nacionalnih manjina BiH, Tihomir Knežiček, otvorio je raspravu o ovoj tački dnevnog reda. U raspravi su sudjelovali: Jakob Finci, Dragan Marković, Andrija Svatok, Hakan Varan, Eva Pašić Juhas, Velibor Kuvač i Marija Grbić.

Nakon rasprave, Vijeće nacionalnih manjina BiH usvojilo je prijedlog, da se formira radna grupa koja će do naredne sjednice, pripremiti Prijedlog kriterija za izbor članova Vijeća nacionalnih manjina BiH koji će Vijeće razmotriti i predložiti Zajedničkoj komisiji za ljudska prava na usvajanje.

U radnu grupu su izabrani: Velibor Kuvač, predsjedavajući radne grupe, Eva Pašić Juhas i Hakan Varan.

#### **Ad.3. Aktivnosti vezane za prezentaciju Izvještaja o ocjeni položaja nacionalnih manjina u BiH**

Predsjedavajući Vijeća nacionalnih manjina BiH, Tihomir Knežiček, otvorio je raspravu o ovoj tački dnevnog reda. U raspravi su sudjelovali: Todorka Jovanović, Dragan Marković i Tihomir Knežiček.

Nakon rasprave, Predsjedavajući Vijeća nacionalnih manjina BiH, Tihomir Knežiček, prisutne je obavjestio da se danas zvanično održava prezentacija Izvještaja Vijeća nacionalnih manjina BiH o položaju nacionalnih manjina BiH, koje predstavlja objedinjen pregled stanja 17 nacionalnih manjina u BiH u periodu od 2010. do 2015. godine.

#### **Ad.4. Razno:**

- **Aktivnosti vezane za pripremu konferencije o nacionalnim manjinama**
- **Informacija o zahtjevu Vijeća nacionalnih manjina BiH za uvrštavanje tačke na dnevni red oba doma Parlamentarne skupštine BiH, koja bi glasila: „Provođenje presude Evropskog suda za ljudska prava u Strazburu u predmetu Sejdić i Finci protiv BiH**

Predsjedavajući Vijeća nacionalnih manjina BiH, Tihomir Knežiček, otvorio je raspravu o ovoj tački dnevnog reda. U raspravi su sudjelovali: Tihomir Knežiček, Jovanka Manžalović Šalaka, Dragan Marković, Mladen Radmilović, Želimir Lalić, šef odsjeka za nacionalne manjine Ministarstva za ljudska prava i izbjeglice i Jakob Finci.

Članovi Vijeća nacionalnih manjina upoznali su se sa aktivnostima vezanim za konferencije o nacionalnim manjinama.

Članovi Vijeća informirani su o tome da je Zajednička komisija za ljudska prava Parlamentarne skupštine Bosne i Hercegovine na 12. sjednici podržala zahtjev Vijeća za uvrštavanje tačke Dnevni red sjednica oba doma PSBiH koja bi glasila: „Provođenje presude Evropskog suda za ljudska prava u Strazburu u predmetu Sejdić i Finci protiv BiH“.

Članovi Vijeća informirani su takođe, o tome da član Vijeća, Nedžad Jusić, prisustvuje sjednicama Interresorne radne grupe za izmjenu Izbornog zakona BiH, te s tim u vezi pozvani su svi članovi Vijeća da dostave svoje prijedloge za izmjenu navedenog Zakona koje će Vijeće razmotriti i dostaviti Interresornoj radnoj grupi na razmatranje.

Vijeće je takođe, konstatiralo, da je u budućem vremenskom periodu, neophodno pristupiti i izmjenama i dopunama Zakona o zaštiti pripadnika nacionalnih manjina BiH.

Sjednica Vijeća nacionalnih manjina BiH završena je u 11. 05 sati.

Sastavni dio ovog zapisnika je tonski snimak 15. sjednice Vijeća nacionalnih manjina BiH.

**Predsjedavajući Vijeća nacionalnih manjina BiH**  
**prof. dr. Tihomir Knežiček**